



Joint Council for
Qualifications^{CIC}

Canllaw i brosesau apeliadau'r cyrff dyfarnu

Yn weithredol o gyfres arholiadau Mehefin 2023

At sylw penaethiaid canolfannau, uwch arweinwyr
mewn ysgolion a cholegau a staff addysgu.

Cynhyrchwyd ar ran:



©JCQ^{CIC} 2023

Rhagarweiniad	1
1 Apeliadau yn erbyn canlyniadau gwasanaethau ar ôl y canlyniadau (ail-wiriadau clerigol, adolygiadau o'r marcio ac adolygiadau o'r cymedroli)	3
2 Apeliadau yn erbyn penderfyniadau a wneir mewn achosion o gamymddwyn	6
3 Apeliadau sy'n ymwneud â threfniadau mynediad, addasiadau rhesymol ac ystyriaeth arbennig.....	9
4 Y weithdrefn ar gyfer gwrandawiaid apêl	11
5 Llwybrau apelio pellach	15
6 Terfynau amser	16
7 Adolygiad o benderfyniadau gweinyddol eraill	17
8 Cais am apêl neu adolygiad o benderfyniad gweinyddol (Ffurflen JCQ/App1)	18
Atodiad A – Manylion cyswllt cyrff dyfarnu	21

Rhagarweiniad

1 Mae'r ddogfen hon yn nodi'r prosesau ar gyfer apelio yn erbyn penderfyniadau a wneir gan gyrff dyfarnu'r CGC mewn perthynas â'r canlynol:

- AEA
- Cymwysterau Cyffredinol Cymhwysol AQA
- Cymwysterau Technegol Lefel 1, Lefel 2 a Lefel 3 AQA
- Tystysgrif Lefel 2 Mathemateg Bellach AQA
- Tystysgrif Lefel 3 Astudiaethau Mathemategol AQA
- Cymwysterau Cenedlaethol Caergrawnt
- Cymwysterau Technegol Caergrawnt
- Cymwysterau Technegol Lefel 2 a Lefel 3 City & Guilds (asesiadau allanol ac asesiadau wedi'u cymedroli yn unig)
- Dyfarniadau Edexcel mewn Mathemateg
- Safon Uwch Ryngwladol Edexcel
- TGAU Rhyngwladol Edexcel
- TLM
- Sgiliau Hanfodol (Cymru)
- FSMQ
- TAG UG a Safon Uwch
- TGAU
- Sgiliau Gweithredol Lefel 1 a 2 NCFE (asesiad allanol yn unig)
- Cymwysterau Galwedigaethol (Dyfarniad Technegol) Lefel 1, 2 a 3 NCFE
- Diplomâu/Diplomâu Estynedig Lefel 3 NCFE (asesiad allanol yn unig)
- BTEC Pearson (asesiadau allanol ac asesiadau wedi'u cymedroli yn unig)
- Cymwysterau Project
- Cymwysterau Technegol Lefel T*
- Cymwysterau Cyffredinol Lefel 1 a Lefel 2 CBAC
- Cymwysterau Galwedigaethol (Dyfarniad Technegol) Lefel 1 a Lefel 2 CBAC
- CBAC Lefel 2 a Lefel 3 Iechyd a Gofal Cymdeithasol, a Gofal Plant (Cymru)
- Dyfarniadau Galwedigaethol Lefel 1 a 2 CBAC
- Cymwysterau Tystysgrif a Diploma Cymhwysol Lefel 3 CBAC
- Tystysgrif Her Sgiliau (Bagloriaeth Cymru) CBAC.

* Cyfeiriwch hefyd at ddogfennau apeliadau'r corff dyfarnu.

Os nad yw'r cymhwyster sy'n berthnasol i chi wedi'i gynnwys yma, yna dylech gyfeirio at ddogfennau'r corff dyfarnu unigol.

2 Mae'r gweithdrefnau hyn yn bodloni gofynion y tri rheoleiddiwr cymwysterau ar gyfer Cymru, Lloegr a Gogledd Iwerddon (Ofqual, Cymwysterau Cymru a CCEA Regulation): mae eu dogfennaeth reoleiddiol yn sail i brosesau apeliadau'r gyrff dyfarnu.

3 Mae cyrff dyfarnu yn derbyn apeliadau'n ymwneud â thri maes o'u gwaith. Y rhain yw:

- Apeliadau yn erbyn canlyniadau – gweler tudalen 3.
- Apeliadau yn erbyn penderfyniadau camymddwyn – gweler tudalen 6.
- Apeliadau yn erbyn penderfyniadau a wnaed o ran trefniadau mynediad, addasiadau rhesymol ac ystyriaeth arbennig – gweler tudalen 9.

Yn ogystal â hyn, efallai y bydd rhai penderfyniadau gweinyddol eraill, fel achosion o sgriptiau'n mynd ar goll, yn amodol ar adolygiadau gan swyddogion y corff dyfarnu.

4 Mae gan y ddogfen hon adran ar wahân ar gyfer pob math o apêl. Gan fod tebygrwydd yn y ffordd y mae'r holl apeliadau'n cael eu trin, bydd hyn yn arwain at rywfaint o ailadrodd gwybodaeth.

5 Os yw canolfan am ymholi neu drafod unrhyw agwedd ar ddehongliad corff dyfarnu o'r gweithdrefnau sydd wedi'u nodi yn y ddogfen hon, neu'r ffordd y maent yn cael eu defnyddio ganddynt, dylid cysylltu â swyddog apeliadau'r corff dyfarnu perthnasol (gweler Atodiad A, tudalen 21).

6 Gall cyrff dyfarnu godi ffi am bob cam o apêl yn erbyn canlyniad ail-wiriad clerigol, adolygiad o'r marcio neu adolygiad o'r cymedroli. Mae manylion y ffioedd hyn i'w cael gan y corff dyfarnu dan sylw. Ad-delir y ffi os cadarnheir yr apêl.

1 Apeliadau yn erbyn canlyniadau gwasanaethau ar ôl y canlyniadau (ail-wiriadau clerigol, adolygiadau o'r marcio ac adolygiadau o'r cymedroli)

Pwy sy'n gallu apelio a phryd?

7 Rhaid i bennaeth y ganolfan gyflwyno apeliadau ar gyfer ymgeiswyr mewnol.

Gall pennaeth y ganolfan apelio yn erbyn canlyniad ail-wiriad clerigol, adolygiad o'r marcio neu adolygiad o'r cymedroli. Wrth gydsynio i ail-wiriad clerigol neu adolygiad o farcio, mae ymgeisydd hefyd yn cadarnhau ei fod yn deall mai canlyniad unrhyw apêl ddilynol fyddai y gallai ei radd derfynol yn y pwnc a/neu ei farc terfynol fod yn is, yn uwch, neu'n aros yr un peth â'r radd a ddyfarnwyd yn wreiddiol.

Gall ymgeisydd preifat gyflwyno cais am apêl yn uniongyrchol i gorff dyfarnu.

Gall ymgeisydd preifat apelio yn erbyn canlyniad ail-wiriad clerigol neu adolygiad o'r marcio.

Diffiniad ymgeisydd preifat yw myfyriwr sydd wedi'i gofrestru ar gyfer pwnc gan y ganolfan ond sydd heb gael ei addysgu yn y pwnc yn y ganolfan yn ystod y flwyddyn academaidd y cynhelir y gyfres arholiadau ynddi. Gall y myfyriwr fod wedi cael ei addysgu yn y ganolfan mewn pynciau gwahanol neu yn yr un pwnc ar gyfer cyfres arholiadau flaenorol.

Dylai'r ganolfan sy'n cofrestru'r ymgeisydd preifat sicrhau ei bod yn bodloni gofynion y corff dyfarnu perthnasol ar gyfer nodi bod y cofrestriad yn un ar gyfer ymgeisydd preifat. Mae hyn yn bwysig gan y bydd yn sicrhau bod y corff dyfarnu'n gallu nodi bod cais am apêl mewn perthynas â'r pwnc hwnnw, sy'n cael ei gyflwyno i'r corff dyfarnu yn uniongyrchol gan yr ymgeisydd preifat, yn gymwys i'w brosesu.

8 Noder nad oes gan ymgeiswyr mewnol a/neu eu rhieni/gofalwyr hawl i apelio'n uniongyrchol i'r corff dyfarnu. Rhaid cyflwyno achos i bennaeth y ganolfan lle roedd yr ymgeisydd wedi'i gofrestru neu ei ymrestru. Bydd penderfyniad pennaeth y ganolfan o ran p'un a ddylid bwrw ymlaen ag apêl ai peidio yn dibynnu ar drefniadau apeliadau mewnol y ganolfan.

9 Ni ddylai pennaeth y ganolfan na'r ymgeisydd preifat gyflwyno apeliadau tan y bydd canlyniad y gwasanaeth ar ôl y canlyniadau perthnasol wedi'i gadarnhau.

10 Gellir cyflwyno apêl os yw'r apelydd* o'r farn naill ai:

- bod gwall marcio neu gymedroli (neu adolygiad o'r marcio/cymedroli) wedi digwydd; neu
- na wnaeth y corff dyfarnu gymhwyso ei weithdrefnau yn gyson, yn briodol neu'n deg.

*Yr apelydd yw pennaeth y ganolfan neu'r ymgeisydd preifat sy'n cyflwyno'r apêl.

11 Mae Amodau Lefel Cymhwyster Ofqual yn diffinio rhesymau dros apelio gwall marcio a gwall cymedroli fel a ganlyn:

'Diffinnir gwall marcio fel dyfarnu marc na ellid yn rhesymol fod wedi'i ddyfarnu o ystyried y dystiolaeth a gynhyrchwyd gan y Dysgwyr, y meini prawf sy'n gwahaniaethu perfformiad y Dysgwyr ac unrhyw un o weithdrefnau'r sefydliad dyfarnu mewn perthynas â marcio, gan gynnwys yn benodol lle mae dyfarnu marc yn seiliedig ar y canlynol – (gweler isod)'

'Diffinnir gwall cymedroli fel dod at ganlyniad cymedroli na allai fod wedi'i gyrraedd yn rhesymol o ystyried y dystiolaeth a gynhyrchwyd gan y Dysgwyr a gafodd ei hystyried at ddibenion Cymedroli, gwaith marcio'r ganolfan ar y dystiolaeth honno, y meini prawf sy'n gwahaniaethu perfformiad y Dysgwyr ac unrhyw un o weithdrefnau'r sefydliad dyfarnu mewn perthynas â chymedroli, gan gynnwys yn benodol lle mae dod at ganlyniad cymedroli yn seiliedig ar y canlynol –

- gwall gweinyddol;
- methiant i gymhwyso meini prawf a gweithdrefnau o'r fath at y dystiolaeth a gynhyrchwyd gan y Dysgwr/Dysgwyr lle nad oedd y methiant hwnnw yn cynnwys arfer barn academiaidd; neu
- arfer barn academiaidd yn afresymol'.

Barn academiaidd yw beth sydd ynghlwm wrth asesu. Mae'n bosibl i arholwyr gwahanol ffurfio barn wahanol yn rhesymol. Mae afresymoldeb mewn barn academiaidd yn digwydd pan fo'r marc a roddwyd yn un na fyddai unrhyw arholwr rhesymol wedi gallu ei ddyfarnu'n iawn.

12 Os bydd cais am apêl yn cael ei dderbyn, bydd ymchwiliad i ganlyniadau ymgeisydd neu ganolfan a/neu weithdrefnau'r corff dyfarnu yn dilyn. Ni fydd apeliadau a dderbynnir i'w hymchwilio am resymau gweithdrefnol yn cynnwys adolygiad pellach o waith yr ymgeiswyr.

13 Os oes copi caled gwreiddiol o sgript wedi'i ddychwelyd i'r ganolfan dan y gwasanaeth Mynediad at Sgriptiau, ni all fod yn rhan o adolygiad o'r marcio neu apêl ddilynol. Fodd bynnag, os cafodd copi wedi'i sganio o'r sgript ei gynhyrchu gan y corff dyfarnu ar adeg marcio, gellir defnyddio hwn fel sail ar gyfer y prosesau hyn.

Sut i apelio

14 Dylai pennaeth y ganolfan neu ymgeisydd preifat (yr apelydd) gyflwyno cais ysgrifenedig am apêl i'r corff dyfarnu perthnasol. Mae rhestr o fanylion cyswllt y cyrff dyfarnu ar gael yn Atodiad A, tudalen 21. Gellir defnyddio ffurflen y CGC *Cais am apêl* (gweler tudalen 18).

15 Rhaid gwneud apeliadau o fewn 30 diwrnod ar ôl i'r corff dyfarnu gyhoeddi canlyniad yr ail-wiriad clerigol, yr adolygiad o'r marcio neu'r adolygiad o'r cymedroli ("y Canlyniad").

Os yw'r rhesymau am y Canlyniad a/neu gopi o'r sgript(iau) wedi'u darparu o fewn 15 diwrnod calendr ar ôl i'r corff dyfarnu gyhoeddi'r Canlyniad, mae'n rhaid cyflwyno cais am apêl o fewn 30 diwrnod calendr i gael y Canlyniad o hyd.

Os yw'r rhesymau am y Canlyniad a/neu gopi o'r sgript(iau) wedi'u darparu ar ôl 15 diwrnod calendr ar ôl i'r corff dyfarnu gyhoeddi'r Canlyniad, mae'n rhaid cyflwyno cais am apêl o fewn 15 diwrnod calendr.

16 Mae'n rhaid i'r apelydd nodi'r rhesymau dros yr apêl yn glir ac yn gryno.

17 Pan fydd cais am apêl yn cyrraedd, bydd y corff dyfarnu yn penderfynu p'un a fydd yn cael ei dderbyn ai peidio.

18 Mae'r penderfyniad a ddylid derbyn y cais am apêl ai peidio yn seiliedig ar y canlynol:

- dilysrwydd y rhesymau dros yr apêl fel y'i cyflwynwyd gan yr apelydd;
- p'un a yw ail-wiriad clerigol, adolygiad o'r marcio neu adolygiad o'r cymedroli wedi'i gwblhau;
- amserlen y cais.

Os na dderbynnir cais am apêl, bydd y rheswm/rhesymau dros hyn yn cael eu rhoi.

Beth sy'n digwydd yn ystod cam rhagarweiniol apêl?

- 19 Mae'r cam rhagarweiniol yn cynnwys ystyriaeth o'r achos gan swyddog o'r corff dyfarnu nad yw wedi ymwneud â'r achos yn flaenorol neu nad oes ganddo ddi-ddordeb personol yn y mater. Bydd y cam rhagarweiniol yn cynnwys ystyried y cais ysgrifenedig gan yr apelydd.
- 20 Ar ôl y cam rhagarweiniol, bydd yr achos naill ai ddim yn cael ei gadarnhau neu yn cael ei gadarnhau'n gyfan gwbl neu'n rhannol.
- 21 Os yw'r achos yn cael ei gadarnhau, bydd unrhyw waith angenrheidiol pellach ar sgrïpt neu ganlyniadau'r ymgeisydd yn cael ei wneud. Bydd unrhyw waith o'r fath yn cael ei gynnal drwy gydymffurfio'n llawn â'r gweithdrefnau y cytunwyd arnynt rhwng byrddau'r CGC a'r cyrff dyfarnu.
- 22 Bydd llythyr canlyniad y cam rhagarweiniol gyda rhesymau yn cael ei anfon at yr apelydd. Bydd y llythyr hefyd yn rhoi manylion am y cam nesaf sydd ar gael o'r broses apeliadau. Yn dilyn y cam rhagarweiniol, gall yr apelydd symud yr apêl ymlaen i wrandawriad.

Yr apelydd yw pennaeth y ganolfan neu ymgeisydd preifat sy'n cyflwyno'r apêl.

Gwrandawriadau apêl

- 23 Os yw'r apelydd am symud ymlaen i gam nesaf yr apêl (gwrandawriad), rhaid anfon cais ysgrifenedig am wrandawriad apêl at y corff dyfarnu perthnasol. Mae rhestr o fanylion cyswllt y cyrff dyfarnu ar gael yn Atodiad A, tudalen 21. Gellir defnyddio ffurflen y CGC *Cais am apêl* (gweler tudalen 18).
- 24 Rhaid cyflwyno cais am wrandawriad apêl o fewn 14 diwrnod calendr i dderbyn llythyr canlyniad yr apêl rhagarweiniol. Bydd cyrff dyfarnu fel arfer yn gwrthod apeliadau a wneir y tu allan i'r amserlen hon.
- 25 Mae gwrandawriad apêl wedi'i lunio i sicrhau bod gan apelydd gyfle ffurfiol i gyflwyno'i achos i gorff diduedd. Rhaid i aelod o staff y ganolfan gynrychioli'r ganolfan yng ngwrandawriad yr apêl ar gyfer apeliadau ymgeiswyr mewnlol.
Ni all ymgeisydd mewnlol, ei riant/gofalwr neu drydydd parti gynrychioli'r ganolfan mewn gwrandawriad apêl.
Nid ymarfer ailfarcio yw gwrandawriad apêl ac ni fydd Aelodau'r Panel yn arfer eu barn academiaidd eu hunain. Nid arbenigwyr deunydd pwnc yw Aelodau'r Panel.

Mae'r weithdrefn i'w dilyn yng ngwrandawriad yr apêl wedi'i nodi ym mharagraffau 55-78.

2 Apeliadau yn erbyn penderfyniadau a wneir mewn achosion o gamymddwyn

Rhagarweiniad

- 26 Mae camymddwyn, camweinyddu neu ddiffyg cydymffurfio, yn cynnwys unrhyw weithred, diffyg neu arfer sy'n torri'r rheoliadau a gyhoeddwyd gan y CGC a gofynion y corff dyfarnu yn cynnwys, er enghraifft, y rheini sy'n:
- cyfaddawdu, ceisio cyfaddawdu neu'n gallu cyfaddawdu'r broses asesu, gonestrwydd unrhyw gymhwyster neu ddilysrwydd canlyniad neu dystysgrif; a/neu'n
 - niweidio awdurdod, enw da neu hygredd unrhyw gorff dyfarnu neu ganolfan neu unrhyw swyddog, gweithiwr neu asiant unrhyw gorff dyfarnu neu ganolfan.
- 27 Mae penderfyniadau cyrff dyfarnu mewn achosion o gamymddwyn yn seiliedig ar gytundeb rhwng y byrddau sy'n cael ei adlewyrchu yn nogfen y CGC *Amau Camymddwyn – Polisiâu a Gweithdrefnau*.
- Gellir lawrlwytho'r ddogfen hon o wefan y CGC:
<http://www.jcq.org.uk/exams-office/malpractice>
- 28 Caiff penderfyniadau mewn achosion o amau camymddwyn eu gwneud fel arfer gan aelod o dîm penodol o swyddogion wedi'u hyfforddi yn y corff dyfarnu perthnasol. Mewn achosion o gamymddwyn difrifol, gall pwyllgor o uwch swyddogion neu bwyllgor allanol wneud y penderfyniad.
- 29 Gellir cychwyn apeliadau yn erbyn canfyddiad o gamymddwyn a/neu'r sancsiwn a osodwyd gan y corff dyfarnu. Nid yw'n bosibl apelio yn erbyn penderfyniad i beidio â chymryd unrhyw gamau nac yn erbyn sancsiwn y credir ei fod yn rhy hael.

Pwy all apelio?

- 30 Gall pennaeth y ganolfan apelio yn erbyn canfyddiad o gamymddwyn a/neu'r sancsiwn a osodwyd ar y ganolfan neu aelodau o staff (gan gynnwys gweithwyr dan gontract), ac ar ran ymgeiswyr a gofrestrwyd neu ymrestrwyd drwy'r ganolfan.
- Rhaid i bennaeth y ganolfan roi gwybod i ymgeiswyr ei fod yn cyflwyno apêl ar eu rhan. Gall yr ymgeisydd gyflwyno datganiad.
- 31 Gall aelod o staff y ganolfan neu bersonél dan gontract mewn canolfan (e.e. goruchwyliwr allanol) apelio yn erbyn canfyddiad o gamymddwyn a/neu'r sancsiwn a osodwyd arno.
- 32 Gall ymgeisydd preifat, neu drydydd parti (h.y. unigolyn ar wahân i ymgeisydd mewnol neu ei rieni/gofalwyr), apelio yn erbyn canfyddiad o gamymddwyn a/neu'r sancsiwn a osodwyd arno/arni yn uniongyrchol i'r corff dyfarnu perthnasol.
- 33 Noder nad oes gan ymgeiswyr mewnol a/neu eu rhieni/gofalwyr hawl i apelio'n uniongyrchol i'r corff dyfarnu. Rhaid cyflwyno achos i bennaeth y ganolfan lle roedd yr ymgeisydd wedi'i gofrestru neu ei ymrestru. Bydd penderfyniad pennaeth y ganolfan ar p'un a ddylid cyflwyno cais am apêl yn dibynnu ar drefniadau apeliadau mewnol y ganolfan.

Sut i apelio

- 34** Dylai'r apelydd gyflwyno cais am apêl i'r corff dyfarnu perthnasol. Mae manylion cyswllt cyrff dyfarnu wedi'u cynnwys yn Atodiad A, tudalen 21. Gellir defnyddio ffurflen y CGC *Cais am apêl* (gweler tudalen 18).
- 35** Mae'n rhaid i geisiadau am apêl gael eu gwneud o fewn 14 diwrnod calendr i dderbyn y penderfyniad camymddwyn. Bydd cyrff dyfarnu fel arfer yn gwrthod apeliadau a wneir y tu allan i'r amserlen hon.
- 36** Mae'n rhaid i'r apelydd sy'n cyflwyno'r cais am apêl nodi mor glir a chryno â phosibl y rhesymau dros yr apêl ac mae'n rhaid cynnwys unrhyw dystiolaeth bellach sy'n berthnasol i gefnogi'r apêl.
- 37** Rhaid i apeliadau fod yn seiliedig ar resymau synhwyrol sy'n berthnasol i'r digwyddiad dan sylw. Derbynnir y canlynol fel rhesymau synhwyrol:
- ni ymdriniwyd â'r digwyddiad yn unol â'r gweithdrefnau a gyhoeddwyd yn nogfen y CGC, *Amau Camymddwyn – Polisiau a Gweithdrefnau*;
 - roedd y penderfyniad yn afresymol o ystyried y dystiolaeth a gyflwynwyd i'r Pwyllgor Camymddwyn;
 - mae mwy o dystiolaeth (yn cynnwys tystiolaeth feddygol) wedi dod i'r amlwg a all newid penderfyniad y corff dyfarnu;
 - mae'r sancsiwn a osodwyd yn anghymesur â difrifoldeb y camymddwyn.
- 38** Nid yw'r canlynol, ar eu pen eu hunain, yn cyfrif fel rheswm dros apêl:
- nid oedd yr unigolyn yn bwriadu twyllo;
 - mae gan yr unigolyn hanes academaidd di-fai;
 - gallai'r unigolyn golli lle mewn Sefydliad Addysg Bellach/Sefydliad Addysg Uwch neu gyflogaeth;
 - mae'n ddrwg iawn gan yr unigolyn am ei weithredoedd.

Beth sy'n digwydd yn ystod ymchwiliad apêl camymddwyn?

- 39** Pan fydd cais am apêl yn cyrraedd, bydd yn cael ei wirio gan y corff dyfarnu. Mae'r cyd-destun a'r rhesymau dros yr apêl a'r ddogfennaeth ategol yn cael eu gwirio am ddilysrwydd a sut gellir prosesu'r apêl orau. Mae'n bwysig bod yr holl ddogfennaeth berthnasol yn cael ei chynnwys ar y pwynt hwn, gan y bydd cyfleoedd cyfyngedig i gyflwyno gwybodaeth ategol yn ddiweddarach yn y broses. Bydd y corff dyfarnu'n cysylltu â'r apelydd i gydnabod eu bod wedi derbyn yr apêl ac i roi cyngor ar y broses y dylid ei dilyn. Mae'r corff dyfarnu'n cadw'r hawl i hysbysu penaethiaid canolfannau lle bo'n berthnasol.
- 40** Gall y corff dyfarnu:
- gyfeirio'r mater ar gyfer ei ystyried o'r newydd at unigolyn priodol nad yw wedi ymwneud â'r mater yn flaenorol neu nad oes ganddo ddiddordeb personol yn y mater. Ar y cam hwn, gellir cadarnhau neu beidio â chadarnhau yr apêl. Os yw'r apelydd yn dal i fod yn anfodlon â chanlyniad yr ystyriaeth hon, gall symud ymlaen at wrandawriad apêl. Rhaid cyflwyno cais am wrandawriad apêl o fewn 14 diwrnod calendr i dderbyn llythyr canlyniad yr apêl ragarweiniol. Bydd cyrff dyfarnu'n gwrthod apeliadau a wneir y tu allan i'r amserlen hon.

- cyfeirio'r mater i wrandawriad apêl. Bydd y weithdrefn i'w dilyn yng ngwrandawriad yr apêl yn cael ei nodi ym mharagraffau 55-78;
- peidio â derbyn yr apêl am ymchwiliad oherwydd nad oes rhesymau synhwyrol a dilys wedi'u rhoi dros yr apêl.

3 Apeliadau sy'n ymwneud â threfniadau mynediad, addasiadau rhesymol ac ystyriaeth arbennig

Rhagarweiniad

- 41 Mae'r cyrff dyfarnu'n cydnabod bod rhai ymgeiswyr yn cael eu hatal rhag arddangos eu cyrhaeddiad oherwydd:
- anabledd, anhawster dysgu neu gyflwr meddygol parhaol neu dymor hir;
 - anabledd, afiechyd neu anhwylder tymor byr yn syth ar ôl neu ar adeg yr arholiad;
 - amgylchiadau ar adeg neu yn ystod yr arholiad neu asesiad.
- 42 Trefniadau mynediad ac addasiadau rhesymol yw addasiadau cyn yr arholiad sy'n cael eu cymeradwyo cyn arholiad neu asesiad. Maen nhw'n caniatáu i ymgeiswyr ag anghenion addysgol arbennig, anableddau neu anafiadau dros dro gael mynediad i'r arholiad neu asesiad.
- 43 Ystyriaeth arbennig yw addasiad i farc neu radd ymgeisydd i adlewyrchu afiechyd dros dro, anaf dros dro neu anhwylder arall ar adeg yr asesiad neu arholiad.
- 44 Mae penderfyniadau trefniadau mynediad, addasiadau rhesymol ac ystyriaeth arbennig yn seiliedig ar weithdrefnau rhwng cyrff dyfarnu. Gosodir yr egwyddorion a'r rheoliadau sy'n llywodraethu trefniadau mynediad ac ystyriaeth arbennig yn nogfennau'r CGC *Trefniadau Mynediad ac Addasiadau Rhesymol a Canllaw i'r broses ystyriaeth arbennig*. Mae'r dogfennau hyn i'w cael ar wefan y CGC:
- <http://www.jcq.org.uk/exams-office>
- 45 Os yw pennaeth y ganolfan neu'r ymgeisydd preifat sy'n destun i'r penderfyniad perthnasol ('yr apelydd') yn anghytuno â'r penderfyniad a wnaed, ac o'r farn resymol nad yw'r corff dyfarnu wedi dilyn y gweithdrefnau cywir, dylid anfon cais ysgrifenedig at y corff dyfarnu priodol yn nodi'r rhesymau dros gyflwyno apêl ragarweiniol. Dim ond ar ôl cyfeirio at y ddogfen briodol sy'n amlinellu'r penderfyniad o ran trefniadau mynediad, addasiad(au) rhesymol neu ystyriaeth arbennig sy'n gymwys i ymgeisydd neu ymgeiswyr y dylai wneud hyn. Mae rhestr o fanylion cyswllt y cyrff dyfarnu ar gael yn Atodiad A, tudalen 21. Gellir defnyddio ffurflen y CGC *Cais am apêl* (gweler tudalen 18).

Pwy all apelio?

- 46 Pennaeth y ganolfan yn unig all wneud ceisiadau am apêl ar ran ymgeisydd neu grŵp o ymgeiswyr, neu ymgeiswyr preifat.
- 47 Nid oes gan ymgeiswyr mewnol, eu rhieni/gofalwyr neu drydydd partion hawl i apelio'n uniongyrchol i'r corff dyfarnu. Rhaid cyflwyno achos i bennaeth y ganolfan lle roedd yr ymgeisydd mewnol wedi'i gofrestru neu ei ymrestru. Bydd penderfyniad pennaeth y ganolfan ar p'un a ddylid symud ymlaen ag apêl yn dibynnu ar drefniadau apelïadau mewnol y ganolfan.

Sut i apelio

- 48 Cyn ymgymryd ag apêl, gallai fod o gymorth pe byddai apelydd yn trafod y sefyllfa gyda swyddog apeliadau'r corff dyfarnu perthnasol. Bydd trafodaethau o'r fath weithiau'n datrys y mater heb orfod troi at apêl.
- 49 Mae'n rhaid gwneud y cais am apêl o fewn 14 diwrnod calendr i dderbyn y penderfyniad gwreiddiol a dylai nodi'r rhesymau dros yr apêl yn glir ac yn gryno. Gellir defnyddio ffurflen y CGC *Cais am apêl* – gweler tudalen 18. Efallai y bydd cyrff dyfarnu'n gwrthod apeliadau a wneir y tu allan i'r amserlen hon.

Beth sy'n digwydd yn ystod cam rhagarweiniol apêl?

- 50 Mae cam rhagarweiniol proses apeliadau yn cynnwys ymchwiliad i'r achos gan swyddog neu swyddogion o'r corff dyfarnu perthnasol. Ni fydd gan y swyddog unrhyw ddi-ddordeb personol yn yr achos, ac ni fydd wedi bod â chysylltiad â'r achos yn y gorffennol. Bydd y cam rhagarweiniol yn ystyried y cais ysgrifenedig gan yr apelydd a bydd yn cynnwys adolygiad o'r holl ganllawiau perthnasol, unrhyw gynsail a'r gweithdrefnau a ddilynwyd wrth gyrraedd y penderfyniad sy'n destun i'r apêl.
- 51 Bydd llythyr canlyniad y cam rhagarweiniol gyda rhesymau yn cael ei anfon at yr apelydd pan fydd yr adolygiad wedi'i gwblhau.

Gwrandawriad apêl

- 52 Os yw apelydd yn anghytuno â chanlyniad y cam rhagarweiniol, dylid anfon cais ysgrifenedig am wrandawriad apêl at y corff dyfarnu perthnasol. Mae rhestr o fanylion cyswllt y cyrff dyfarnu ar gael yn Atodiad A, tudalen 21. Gellir defnyddio ffurflen y CGC *Cais am apêl* (gweler tudalen 18). Bydd y corff dyfarnu yn gwneud trefniadau am wrandawriad.
- 53 Mae'n rhaid i'r cais hwn am apêl gael ei wneud o fewn 14 diwrnod calendr i dderbyn canlyniad yr apêl ragarweiniol.
- 54 Bydd y weithdrefn i'w dilyn yng ngwrandawriad yr apêl yn cael ei nodi ym mharagraffau 55-78.

4 Y weithdrefn ar gyfer gwrandawiadau apêl

Cyn y gwrandawriad

- 55 Bydd yr apelydd wedi gwneud cais am wrandawriad apêl o fewn 14 diwrnod calendr i dderbyn canlyniad y cam rhagarweiniol.
- 56 Mae'n rhaid i'r cais nodi'r rhesymau dros yr apêl a'r holl ddogfennaeth ategol yn glir. Mae'n bwysig bod yr holl ddogfennaeth berthnasol yn cael ei chynnwys ar y pwynt hwn, gan y bydd cyfleoedd cyfyngedig i gyflwyno gwybodaeth ategol yn ddiweddarach yn y broses. Mae cyrff dyfarnu yn cadw'r hawl i gyflwyno deunydd i wrthwynebu unrhyw gais am apêl.
- Rhaid i'r rhesymau dros yr apêl a gyflwynir fod yr un fath â'r rhesymau dros yr apêl a gyflwynir ar y diwrnod. Os oes unrhyw wahaniaethau, neu os cyflwynir deunydd newydd, bydd angen i'r panel apeliadau benderfynu a fyddent yn derbyn neu'n gwrthod y rhesymau newydd a/neu'r deunydd newydd, neu efallai y bydd gwrandawriad yr apêl yn cael ei ohirio.
- 57 Ar gyfer gwrandawriad apêl, bydd corff dyfarnu fel arfer yn trefnu panel o dri neu bedwar o bobl. Byddant yn cael eu dewis o gronfa fwy o unigolion nad ydynt wedi'u cyflogi'n uniongyrchol gan y corff dyfarnu ac sydd wedi'u hyfforddi yn y dasg o benderfynu ar apeliadau.
- Bydd o leiaf un o aelodau'r panel yn 'aelod annibynnol'. Unigolion nad ydynt wedi cael eu cyflogi gan y corff dyfarnu hwnnw, nac wedi cael unrhyw gysylltiad arall gyda nhw yn y bum mlynedd ddiwethaf o leiaf yw aelodau annibynnol.
- 58 Bydd disgwyl i apelwyr gymryd rhan yng ngwrandawriad yr apêl.
- 59 Os nad yw'r ymgeisydd yn mynychu gwrandawriad y panel apêl wedi iddo gael ei hysbysu o'r dyddiad, yna gallai'r gwrandawriad fynd yn ei flaen yn ei absenoldeb.
- 60 Gallai'r apelydd ddod â ffrind, cydweithiwr neu gynrychiolydd undeb ond rhaid darparu enwau a manylion cyswllt pob cynrychiolydd i'r corff dyfarnu yn ddim hwyrach na saith diwrnod calendr cyn dyddiad y gwrandawriad. Yn gyffredinol, ni ddisgwylir i'r nifer o fynychwyr ar ran yr apelydd fod yn fwy na thri.
- 61 Gallai'r cyrff dyfarnu hefyd alw unrhyw gynrychiolwyr sy'n berthnasol i'r achos. Yn gyffredinol, ni ddisgwylir i'r nifer o gynrychiolwyr gan gorff dyfarnu fod yn fwy na thri.
- 62 Ni fydd ymgeiswyr mewnlol a/neu eu rhieni/gofalwyr yn cael eu galw fel cynrychiolwyr ond gallant fynychu i arsylwi gyda chaniatâd blaenorol Cadeirydd y panel. Nid oes gan y sawl sy'n arsylwi yr hawl i gyflwyno achosion neu gymryd rhan wrth gwestiynu unrhyw bartïon yn y gwrandawriad, ond gallant wneud datganiadau yn ôl disgrisiwn Cadeirydd y panel.
- 63 Gall unrhyw un arall sy'n arsylwi fod yn bresennol mewn gwrandawriadau gyda chymeradwyaeth y Cadeirydd ymlaen llaw yn ddim hwyrach na saith diwrnod calendr cyn dyddiad y gwrandawriad. Rhaid i'r sawl sy'n arsylwi gadw at brotocolau gwrandawriad yr apêl.

64 Fel arfer ni chaniateir cynrychiolaeth gyfreithiol mewn gwrandawiadau apêl, gan nad yw gwrandawriad apêl yn ddigwyddiad cyfreithiol.

65 Os yw'r apelydd yn dymuno cael cynrychiolaeth gyfreithiol, rhaid trafod hyn â'r corff dyfarnu cyn bod dyddiad gwrandawriad yn cael ei gadarnhau. Os cytunir ar gynrychiolaeth gyfreithiol i'r apelydd, gall y corff dyfarnu gael cynrychiolaeth gyfreithiol hefyd.

Ni fydd corff dyfarnu'n atebol am dalu unrhyw ffioedd proffesiynol yr apelydd.

66 Bydd copi o'r holl ddeunyddiau (gohebiaeth/dogfennau/adroddiadau ac ati) sy'n berthnasol i'r apêl yn cael ei anfon ymlaen i aelodau'r panel apeliadau a'r apelydd yn ddim hwyrach na saith diwrnod calendr cyn y gwrandawriad. Dim ond dan yr amgylchiadau mwyaf eithriadol y bydd y Cadeirydd yn caniatáu i ddeunyddiau ychwanegol gael eu cyflwyno ar ddiwrnod y gwrandawriad.

67 Lle ystyrir bod unrhyw ddeunydd o natur gyfrinachol gan y corff dyfarnu, gall y corff dyfarnu ryddhau deunydd o'r fath i wrandawriad yr apêl dan amodau a fyddai'n angenrheidiol i ddiogelu cyfrinachedd y deunydd. Bydd y corff dyfarnu'n sicrhau eu bod yn cydymffurfio ag unrhyw rag-amodau perthnasol dan ddeddfwriaeth diogelu data.

Yng ngwrandawriad yr apêl

68 Bydd gwrandawriad yr apêl yn dod ar ffurf ail-archwilio'r dystiolaeth, sylwadau ac adroddiadau a ddarparwyd i'r corff dyfarnu a gan y corff dyfarnu, a sylwadau a gyflwynwyd gan yr apelydd.

69 Mewn apêl sy'n ymwneud ag ail-wiriad clerigol, adolygiad o'r marcio neu adolygiad o'r cymedroli, y prawf a fydd yn cael ei ddefnyddio gan y panel yw:

- a) p'un a yw'r corff dyfarnu wedi cymhwysu'u gweithdrefnau'n gyson, yn gywir ac yn deg wrth ffurfio barn; ac/neu
- b) a oes gwall marcio neu gymedroli, neu adolygiad o wall marcio neu adolygiad o wall cymedroli wedi digwydd.

Mewn apêl sy'n ymwneud â chamymddwyn, bydd y panel yn ystyried, yn ôl pwysau tebygolrwydd, p'un a oedd digon o dystiolaeth i gefnogi'r canfyddiad o gamymddwyn a pha mor briodol oedd y gosb neu'r sancsiwn gwreiddiol o ystyried rheoliadau Camymddwyn CGC, cynseiliau corff dyfarnu ac unrhyw wybodaeth ychwanegol a ddarperir gan yr apelydd neu'r corff dyfarnu.

Mewn apêl sy'n ymwneud â threfniadau mynediad, addasiadau rhesymol neu ystyriaeth arbennig, bydd y panel yn ystyried p'un a oedd camau gweithredu'r corff dyfarnu'n gyson â'r gweithdrefnau a gyhoeddwyd ac yn deg.

70 Amlinellir y weithdrefn arferol i'w dilyn yn ystod gwrandawiadau apêl isod.

- 70.1 Bydd aelod o'r panel yn Cadeirio'r gwrandawriad.
- 70.2 Bydd y corff dyfarnu yn gyfrifol am sicrhau y cedwir cofnod o'r trafodion am saith mlynedd.
- 70.3 Bydd y Cadeirydd yn cynnal cyflwyniadau, yn amlinellu'r gweithdrefnau i'w dilyn ac os yn briodol, yn darparu crynodeb o'r achos.

Bydd gofyn i bob aelod gadarnhau ar ddechrau gwrandawriad yr apêl nad yw wedi cael cysylltiad blaenorol â'r achos, nac unrhyw ddiddordeb personol ag ef. Yn benodol nad ydyw wedi bod yn cymryd rhan mewn unrhyw farcio, gymedroli, adolygiad o farcio neu adolygiad o gymedroli gwaith yr ymgeisydd, neu ganolfan yr

ymgeisydd, yn y gyfres arholi y mae'r apêl yn codi ynddi.

Bydd yr aelod(au) annibynnol yn gwneud eu hunain yn hysbys ar ddechrau gwrandawriad yr apêl.

Bydd y Cadeirydd yn nodi mai rôl pob Aelod o'r Panel yw sicrhau bod y gwrandawriad yn cael ei gynnal yn unol â'r gweithdrefnau a fanylir arnynt yn y ddogfen hon.

- 70.4 Gallai'r Cadeirydd, yn ôl ei ddisgresiwn, dderbyn tystiolaeth ysgrifenedig gan drydydd parti nad yw'n gallu neu nad yw'n fodlon mynychu'r gwrandawriad (gweler paragraff 66, tudalen 12).
- 70.5 Bydd y Cadeirydd yn gwahodd yr apelydd i gyflwyno ei achos i'r panel.
- 70.6 Bydd y Cadeirydd yna'n cynnig y cyfle i gynrychiolydd/cynrychiolwyr y corff dyfarnu gwestiynu'r apelydd.
- 70.7 Bydd y Cadeirydd ac aelodau'r panel yna'n cael y cyfle i gwestiynu'r apelydd.
- 70.8 Bydd y Cadeirydd yna'n gwahodd cynrychiolydd/cynrychiolwyr y corff dyfarnu i gyflwyno'u hachos i'r panel.
- 70.9 Bydd y Cadeirydd yn cynnig y cyfle i'r apelydd gwestiynu cynrychiolydd/cynrychiolwyr y corff dyfarnu.
- 70.10 Bydd y Cadeirydd ac aelodau'r panel yna'n cael y cyfle i gwestiynu cynrychiolydd/cynrychiolwyr y corff dyfarnu.
- 70.11 Bydd y Cadeirydd yn rhoi cyfle i gynrychiolydd/cynrychiolwyr y corff dyfarnu grynhoi ei/eu hachos, os yw/ydynt yn dymuno gwneud hynny. Ni fydd cyrff dyfarnu yn cyflwyno gwybodaeth newydd ar y cam hwn.
- 70.12 Bydd y Cadeirydd yna'n rhoi cyfle i'r apelydd grynhoi ei achos, os yw'n dymuno gwneud hynny. Ni fydd apelydd yn cyflwyno gwybodaeth newydd ar y cam hwn.
- 70.13 Bydd y Cadeirydd yna'n gwahodd yr apelydd a'i gynrychiolydd/cynrychiolwyr a chynrychiolydd/cynrychiolwyr y corff dyfarnu i dynnu'n ôl, ond i barhau i fod ar gael am gyfnod byr o amser wrth i'r panel benderfynu p'un a ydynt am ofyn unrhyw gwestiynau pellach naill ai i'r apelydd neu gynrychiolydd/cynrychiolwyr y corff dyfarnu.
- 70.14 Os bydd y panel yn penderfynu eu bod am ofyn cwestiynau pellach, bydd gofyn i'r apelydd a'i gynrychiolydd/cynrychiolwyr a chynrychiolydd/cynrychiolwyr y corff dyfarnu ddychwelyd i'r gwrandawriad.
- 70.15 Ar ddiwedd yr holl gwestiynau, bydd yr apelydd, a'i gynrychiolydd/cynrychiolwyr, a chynrychiolydd/cynrychiolwyr y corff dyfarnu yn cael gwybod bod y gwrandawriad wedi dod i ben ac y gallant adael.

71 Bydd y panel yn trafod yn breifat. I ddod i benderfyniad, bydd y panel apeliadau yn defnyddio, fel y bo'n briodol, y profion a nodir ym mharagraff 69, tudalen 12. Os yw'r apêl yn ymwneud â gweithdrefnau'r corff dyfarnu, bydd y panel apeliadau hefyd yn ystyried p'un a oedd unrhyw gamau adferol a gymerwyd wedyn gan y corff dyfarnu yn ddigon i ddatrys y mater.

Gall y panel apeliadau benderfynu cadarnhau'r apêl neu beidio â'i chadarnhau. Os bydd yr apêl yn cael ei chadarnhau, gallai'r panel:

- gyfeirio'r mater yn ôl i'r swyddog corff dyfarnu priodol am ystyriaeth bellach ar sail o'r fath fel y gall y panel roi cyfarwyddyd; neu
- gyfarwyddo'r corff dyfarnu i wneud gwaith pellach;
- mew'n apêl camymddwyn, dileu neu gadarnhau'r canfyddiad o gamymddwyn a/neu gadarnhau neu ddiwygio'r sancsiwn.

Ar ôl gwrandawriad yr apêl

- 72 P'un a yw'r apêl yn cael ei chadarnau ai peidio, gallai'r panel wneud argymhellion i'r corff dyfarnu ar faterion/pryderon a ddaeth i'r amlwg yn ystod gwrandawriad yr apêl.
- 73 Bydd unrhyw waith pellach yn cael ei gynnal drwy gydymffurfio'n llawn â'r gofynion rheoleiddiol â'r gweithdrefnau y cytunwyd arnynt rhwng byrddau'r CGC a'r cyrff dyfarnu.
- 74 Nid yw'r ffaith bod panel yn cadarnhau apêl yn golygu o reidrwydd y bydd marciau neu radd ymgeisydd yn newid. Ni all panel ddweud wrth gorff dyfarnu am ddyfarnu marc penodol gan nad yw paneli yn cynnwys arbenigwyr pwnc. Dim ond arholwr wedi'i safoni sydd wedi derbyn hyfforddiant sy'n gallu dyfarnu marc.
- 75 Os oedd yr apelydd a'r corff dyfarnu'n bresennol yn y gwrandawriad, ni fydd yr apelydd neu gynrychiolwyr y corff dyfarnu'n cael gwybod ar lafar am benderfyniad y panel apeliadau ar ddiwrnod y gwrandawriad fel arfer. Bydd y penderfyniad yn cael ei anfon at yr apelydd, pennaeth y ganolfan (lle y bo'n berthnasol) ac at gynrychiolydd/cynrychiolwyr y corff dyfarnu yn ddim hwyrach na phum diwrnod gwaith ar ôl y gwrandawriad.
- 76 Gellir rhoi adroddiad o grynodedb ysgrifenedig neu drawsgrifiad ysgrifenedig o'r gwrandawriad i'r apelydd ac i gynrychiolydd/cynrychiolwyr y corff dyfarnu o fewn 28 diwrnod calendr. Bydd yr adroddiad neu'r trawsgrifiad hwn yn gyfrinachol i'r sawl sy'n ymwneud â'r apêl.
- 77 Bydd yr apelydd a chynrychiolwyr y corff dyfarnu yn cael cyfle i gywiro gwallau a wnaed o ran ffeithiau yn yr adroddiad o fewn 14 diwrnod calendr. Penderfyniad Cadeirydd y panel apeliadau yn unig fydd p'un a fydd newidiadau a awgrymwyd gan yr apelydd neu gan gynrychiolydd/cynrychiolwyr y corff dyfarnu yn cael eu derbyn.
- 78 Bydd y gwrandawriad gan y panel apeliadau yn cwblhau gweithdrefnau apeliadau mewnol y corff dyfarnu. Ni fydd apêl bellach yn cael ei derbyn gan y corff dyfarnu.

5 Llwybrau apelio pellach

Trefniadau mynediad, addasiadau rhesymol, ystyriaeth arbennig a gwasanaethau ar ôl y canlyniadau

79 Ar gyfer canolfannau yn Nghymru, Lloegr a Gogledd Iwerddon, sy'n anfodlon o hyd gyda phenderfyniad gwrandawriad yr apêl, gellir apelio i'r Gwasanaeth Adolygu Gweithdrefnau Arholiadau (EPRS) perthnasol. Noder bod y gwasanaeth hwn wedi'i gyfyngu i gymwysterau TAG UG, Safon Uwch, TGAU, Cymwysterau Technegol (rhan o Lefel T) a Chymwysterau Project Lefel 3 (CPE). Mae'r Gwasanaeth Adolygu Gweithdrefnau Arholiadau, a ddarperir gan Ofqual a Chymwysterau Cymru yng Nghymru, wedi'i sefydlu i sicrhau bod ysgolion a cholegau, ac ymgeiswyr a rhieni, yn fodlon bod y graddau a gyhoeddwyd gan y corff dyfarnu mor deg a chywir ag y gallant fod.

Ar gyfer ymgeiswyr yng Ngogledd Iwerddon sy'n sefyll cymwysterau TAG UG a Safon Uwch a gynigir gan CBAC, gellir gwneud apêl i Wasanaeth Adolygu Gweithdrefnau Arholiadau CCEA Regulation.

80 I weld manylion am y Gwasanaeth Adolygu Gweithdrefnau Arholiadau, cyfeiriwch at wefan y rheoleiddiwr cymwysterau perthnasol.

Camymddwyn

81 Ar gyfer canolfannau yn Lloegr a Gogledd Iwerddon, mae penderfyniad y Pwyllgor neu'r panel Apeliadau yn derfynol. Nid oes llwybrau apelio pellach yn erbyn penderfyniadau a wneir gan gyrff dyfarnu mewn achosion o gamymddwyn. Nid yw Ofqual yn Lloegr a CCEA Regulation yng Ngogledd Iwerddon yn gwrando ar apeliadau yn erbyn penderfyniadau camymddwyn.

82 Ar gyfer canolfannau yng Nghymru, ar gyfer llwybrau apelio pellach yn erbyn penderfyniadau a wneir gan gyrff dyfarnu mewn achosion o gamymddwyn, cyfeiriwch at wefan y rheoleiddiwr – Cymwysterau Cymru.

6 Terfynau amser

83 Mae'r cyrff dyfarnu'n anelu at gwblhau apêl ragarweiniol o fewn 42 diwrnod calendr i dderbyn y cais.

Mae'r cyrff dyfarnu'n anelu at gynnal gwrandawriad apêl o fewn 70 diwrnod calendr i dderbyn y cais am wrandawriad apêl.

7 Adolygiad o benderfyniadau gweinyddol eraill

84 Yn ystod unrhyw gyfres arholiadau, bydd amgylchiadau'n codi a fydd yn achosi i gorff dyfarnu wneud penderfyniadau a allai effeithio ar ganlyniadau ymgeisydd. Lle mae'r penderfyniadau hyn yn cynnwys elfen o farn, gallan nhw fod yn destun adolygiad gan swyddogion y corff dyfarnu.

Dylai pennaeth canolfan sy'n bryderus am benderfyniadau gweinyddol o'r fath gysylltu â swyddog apeliadau'r corff dyfarnu perthnasol i drafod ei bryderon.

85 Mae'r mathau mwyaf cyffredin o benderfyniadau gweinyddol eraill a allant fod yn destun adolygiad wedi'u rhestru isod. Noder nad yw'r rhestr hon yn gynhwysfawr a gall mathau eraill o benderfyniadau gweinyddol fod yn destun adolygiad hefyd.

- Penderfyniadau a wneir mewn achosion o fod yn hwyr iawn yn cyrraedd.
- Penderfyniadau a wneir mewn achosion o sgrïptiau coll.
- Penderfyniadau'n ymwneud â defnyddio aegrotat/amcangyfrifon graddau. (I gael gwybodaeth bellach, gweler dogfen y CGC:

[Estimating-marks-guidance-for-centres-06.03.19-8-1-1-Copy-1.pdf](#)
(jcq.org.uk)

86 Dylid gwneud cais am adolygiad o berfformiad o fewn 14 diwrnod calendr i dderbyn y penderfyniad gwreiddiol a dylai nodi'r rhesymau dros yr adolygiad yn glir ac yn gryno. Dylid defnyddio ffurflen y CGC *Cais am apêl*, gan roi tic yn y blwch 'Adolygiad o benderfyniadau gweinyddol eraill' – gweler tudalen 18.

Efallai y bydd cyrff dyfarnu'n gwrthod adolygiadau a wneir y tu allan i'r amserlen hon.

87 Mae'r cyrff dyfarnu'n anelu at gwblhau'r adolygiadau hyn o fewn 42 diwrnod calendr i dderbyn y cais.

88 Gan mai adolygiadau yw'r achosion hyn ac nid apeliadau ffurfiol, ni fyddant yn destun i wrandawriad apêl.

8 Cais am apêl neu adolygiad o benderfyniad gweinyddol

CGC/Atodiad 1

Rhif y Ganolfan

--	--	--	--	--

Y manylion a ddarperir ar y ffurflen hon, neu fel atodiad iddi, fydd yn sail i'r achos a gyflwynir gan yr apelydd.

Wrth lenwi'r manylion, dylid talu sylw arbennig i **adran 10** y ffurflen hon, sy'n amlinellu'r rhesymau dros yr apêl ac yn crynhoi eich rhesymau dros apelio. Os oes angen eglurhad neu gymorth arnoch, cysylltwch â'r corff dyfarnu perthnasol.

Nodwch y math o apêl neu adolygiad sy'n cael ei chynnal

Cwblhau
Gwasanaethau ar ôl y
Canlyniadau*

Camymddwyn

Trefniadau mynediad,
addasiadau rhesymol neu
ystyriaeth arbennig

Adolygiad o benderfyniadau
gweinyddol eraill

Os yw hon yn apêl yn erbyn canlyniad ail-wiriad clerigol, adolygiad o'r marcio, adolygiad o'r cymedroli neu benderfyniad trefniadau mynediad/ystyriaeth arbennig, nodwch isod p'un a yw'n gais am apêl ragarweiniol neu wrandawiad apêl.

Apêl ragarweiniol

Gwrandawriad apêl**

***Noder na all apelydd symud ymlaen at wrandawriad apêl oni bai ei fod eisoes wedi cychwyn achos apêl ragarweiniol a bod honno wedi'i chwblhau.**

****Noder na all apelydd symud ymlaen at apêl ragarweiniol tan y bydd yr ail-wiriad clerigol, yr adolygiad o'r marcio neu'r adolygiad o'r cymedroli wedi'i gwblhau a'r canlyniad wedi'i gadarnhau.**

1. Enw'r apelydd:

.....

2. Enw'r ganolfan:

.....

3. Cyfeiriad:

.....

.....

.....

.....

4. Rhif ffôn:

5. Enw a swydd yr unigolyn i gysylltu ag ef yn y ganolfan:

.....

6. Cyfeiriad e-bost y person cyswllt:

7. Cyfres arholiadau:

8. Teitl a lefel y fanyleb:

.....

.....

9. Enw(au) a rhif(au) ymgeisydd yr ymgeisydd/ymgeiswyr yr ydych yn apelio ar eu rhan (lle y bo'n berthnasol).

Enw'r ymgeisydd	Rhif yr ymgeisydd	Cod yr uned/cydran

(Parhewch ar daflen arall os oes angen).

AQA

appeals@aqa.org.uk

Gweler gwefan AQA am fanylion am sut i gyflwyno apêl:

<https://www.aqa.org.uk/exams-administration/after-results/post-results/appeals>

City & Guilds

policy@cityandguilds.com

<https://direc.to/hTsw>

CCEA

appealsmanager@ccea.org.uk

NCFE

appeals@ncfe.org.uk

OCR

appeals@ocr.org.uk

Gweler gwefan OCR am fanylion am sut i gyflwyno apêl:

<https://www.ocr.org.uk/administration/general-qualifications/post-results/appeals/>

Pearson

edexcelappeals@pearson.com

Gweler gwefan Pearson am fanylion am sut i gyflwyno apêl:

[Pearson Post Results services/appeals](https://www.pearson.com/uk/qualifications/post-results/appeals)

CBAC

Tîm Apeliadau

apeliadau@cbac.co.uk